



Museo di Deporte

ALTO VISTA- Riba Dia di Betico Bon Dia Deporte a haci un bishita ta Museo di Deporte di Aruba, situa na Alto Vista. Nos tabatin un combersacion cu e fundador Francisco "Chipen" Chirino kende por cierto ta e unico Arubano cu a ser introduci na e International Softball Federation's Hall of Fame pa su contribucion y liderasgo den e mundo di softball.

Chipen, manera tur hende ta yama Fransisco Chirino, a mancha ekiponan di Little League, Baseball AA y ekiponan di softball tanto femenino como masculino y semper cu exito.

Chipen tabata pa mas di 15 aña presidente di Aruba Softball Bond y ta co-fundador di Comité Olimpico Arubano.

Den e museo di Deporte nos a mira varios cosnan di balor grandi. Chipen su meta principal ta pa e hubentud sera conoci cu esnan cu den pasado a haci e deporte di Aruba tan famoso. Asina por ehempel e tin den e museo un coleccion di mas di 20 ramo di deporte di tanto ekiponan y atletanan local como internacional. Nos a mira pins, potret, stampia, bandera, trofeo y mucho mas, tur bunita recuerdonan di nos atletanan, historia di un pasado cu a duna Aruba un bunita nomber den e mundo di deporte.

Riba e combinacion di foto nos por mira mas di e Museo di Deporte.

Pero cada ciudadano ta keda invita pa bin mira e coleccion cu bio propio wowonan, trece bo yiunan y mustra nan un pida di Aruba cu lamentablemente no ta ser siña na scol.

